

山右石刻叢編

山右石刻叢編卷三十五

遼東人政是涼州刺史部刺史編山西人政是涼州刺史部刺史編山西人政是涼州刺史部刺史編山西人政是涼州刺史部刺史編山西人政是涼州刺史部刺史編

(元)

湯廟禱雨碑

碑連額高四尺四寸八分廣二尺二十八分行五十
一字額題湯廟禱雨之碑六字均正書今在陽城縣

湯廟禱雨感應之碑

儒貢晉(寧)路吏本縣衛元撰

至元戊寅自初夏至徂暑愆亢為災晉□尤甚穀價□湧民
不聊生所在吏民□□□□□□□□□□□□□□□□
□□□三日丙申是夕雨作戊戌方霽優渥之惠不啻千里
非惟苗之枯槁者得遂其生其種之□□□□□□□□□□
□□□□□□□時予承乏晉(寧)掾聞吾陽城簿周君文舉

躬詣析城山成湯廟懇心祈請獲此休應碑口歷歷流布四方人皆偉之近至鄉里頌聲洋溢為公一石記功者眾口一辭前衛輝口口管民是口王思孝暨前邑長孫迺陵思敬者德栗口周楠等數十輩一日口口來謁欲求不腆之文以廣其傳口應之曰公之祈禱之誠跋涉之勞感應之速進士儒林郎同知澤州事忽欲里赤公已載之于貞珉高辭妙旨光賁嚴邑真可以示將來傳不朽曷在予之贅口哉僉曰賢薄之德豈私恩小惠濟一人救一時利一物之比哉吾兆億之民獲免渣死流離之患躋諸康寧之域若周君為民祈福者曠世莫有幸蒙濤濡之澤化凶險而作豐穰雖盡刻行山之石以彰再造之慈猶弗能已求之益堅予聞而拱之公主一邑之薄民之歡愛若此之深殊可嘉尚欽惟

國家設官分職待遇臣下其禮甚優欲其福乎民也食君之
祿○民疾○若越肥而秦瘠無復顧念獨何心哉由此觀之
其慢神虐民尸位營私者是皆周君之罪人也縣邑至析城
之顛路多○險信宿可達從行吏衛元善等不堪跣足之苦
公方卧病初起形○○瘁免冠徒步心無少憚宜乎靈應之
捷昭荅無間旋歸之日雨沐泥漬左右扶持方能跣步往來
迎送者感歎不已士民愧無○○競持幣帛出郭迎乃以旌
其忠或揭之于竿首或承之以筐○不可勝紀公皆却之以
供祭享之用公之是舉豈有所為而為哉○其所當為而已
所以神人交感有不期○而然○
○所謂天即神神即人
人即天名○而誠則一欲知公之祈禱之心請觀乎此嗚呼

昔

湯之為帝也弭災救旱天且弗違况神之威靈陟降于天德澤所加萬世永賴可不敬乎公保定清苑人名克明文舉其字也中議大夫前和寧兵馬周幹臣之冢嫡天性純孝先伯周良臣承務郎清河縣尹公哀其無嗣服喪三年鄉邦賢之由侍儀吏陞□□□戶租之版符檄之□出內之會獄訟之成綽有餘裕中議公之英聲茂蹟聞于

天朝陟之三品之選除拜有期民猶惜其不早也公方始仕俾民咸被其澤一門之慶寧有既乎採摭民謠以為之銘銘曰

農用八政以食為先食之所產貴乎力田或豐或□係之于天歲者不登百禍值焉然雖氣數之變亦由人事之愆□□□人遇災省懼中心拳拳祠禱之益著之育編偉哉

□□所見不偏視民如子恩義兼全□疲氓之重困若已
推而□之于□負罪引慝日夜乾乾神之聽之潤及八埏
未中途而□應默□乎未言之前早沴一洗猶解倒懸室
家相慶悉皆欣然謹採珍石載鐫載研勒銘紀實庶乎久
傳慙非燕許之筆寔有愧乎後賢尚資神化永作康年

至元四年九月吉日社長 思恭等立石

王佐 成寬 栗□ 劉春 劉講主 王講主 周楠

劉□ 酒廣

本縣司吏王伯選 趙世榮

典史王思讓

板碑題儒貢晉甯路吏本縣衛元撰碑言至元戊寅初夏
至徂暑愆亢爲災陽城簿周君文舉躬謁析城山成湯廟

懇心祈請獲此休應陽城縣志周克明文舉清苑人至元
間由侍儀吏爲陽城主簿有志操人不敢犯以非義然政
尚寬簡不屑屑於煩苛瑣細之務故民奉之如慈母時有
旱患禱雨輒應歲大稔民立碑頌之此碑卽是太平寰宇
記析城山在縣西南七十五里禹貢曰底柱析城至於王
屋卽此也山瀕有湯王池俗傳湯早祈雨於此今池四岸
生龍鬚綠草無林木又應劭漢書注析城山在陽城西南
縣志山峰四面如城有東西南北四門分析故曰析城據
此則析山湯王廟久著靈異矣至元戊寅以年表攷之卽
四年碑有前邑長孫延陵思敬核陽城志有元初縣尹延
陵珍本縣人以定宗時任當卽其孫碑云文舉中議大夫
前和甯兵馬周幹臣之冢嫡承務郎清河縣尹周良臣之

姪可爲攷古之助碑立於後至元四年九月後有典史王思讓按縣志至元時典史無王姓者可据碑補

懿濟夫人廟碑

碑高六尺五寸六分廣三尺二寸二十二行行四十七字正書今在和順縣台山

重修懿濟夫人廟記

晉寧路沁州儒學正古韓馮口震撰

承直郎前和順縣達魯花赤中男阿都氏書丹篆額

梁餘邑之東南距城四十里有里曰台山里之南三百餘武於山之陰林木蒼蔚水泉沸涌有古祠焉曰

懿濟夫人夫人之弟曰顯澤侯並有靈應每遇旱暵四國禱之則^⑤雲觸石霈澤周被靡不答其所求賴神錫福積有年矣予竊攷之古碑參以民傳以爲夫人蓋樞姑氏之女也世

代未詳莫究其實夫人有柔懿之德歿而為神暨弟侯威能興雲致雨澤潤生民按祭法有曰以勞定國則祀之能禦大災則祀之有功於民則祀之

二神蓋有功於民者也血食於斯世享其祭不亦宜乎其爵秩祝號封自宋朝逮至金室廟毀於兵劫火之餘鄉耆之魁者因故基構庠宇粗置神位扁曰

聖母曰顯澤王厥後有經略使張公始治而侈之迄今十餘紀矣風簷雨壁歲久朽蠹宗楹毀墜幾為荒墟謾無有省之者本廟道士白道榮自幼出家賦性純謹心志於道及成童勇於為義其事神接人無不推誠致敬屈十餘歲慨然有志於是其視頽圯軫念不置於是匠木做功累歲修理厥有成續始於至治二年五月撤新拜殿泰定四年八月圯毀顯澤

殿壁四周磨礪瓊瓊東砌花臺二座工程其巧曲有妙致天
曆改元補葺東雲堂二十楹至順元年重建太尉堂一十二
楹繪塑神像完舊益新赫赫巍巍儼然可畏至順三年秋恢
度舊制初蓋神門兼營東雲堂三間而小其制元統二年以
夫人之殿庠陋無足快目復葺故改作反宇翬飛四榮跋翼
至元四年重修龍王堂一十二楹前後興造認認然歷十餘
載而始克備經營之間厥亦勞矣而道榮曾不以勞為少懈
可謂彊毅其力堅忍其性者矣嗚呼有志者事竟成豈不信
哉落成之日黃髮耆艾野夫庶尹來會祠下觀其廟舍峻整
堵序廓大棟宇軒翔金碧輝映拈蹈歡躍咸相謂曰今神既
能對於禱祝又俾有憑託而宣其烈也微我道榮其曷能忍
於是傾囊倒篋以佐其費協力率眾以贊其功人事既備神

用時若予適以公事抵梁餘驛道榮持酒來謁屬子文呂記
歲月予視夫官府造作刑驅勢逼尚有不克完者今道榮無
刑勢之驅逼而人趨事赴功樂為之助卒底于成世亦罕矣
以其事功周密詳備是不可以不志

大元至元五年歲次己卯正月庚申朔二十八日丁亥合
山廟住持淨明大師白道榮立石

直定路元氏縣石匠提控盧思聰弟
思溫思□思敬男仲賢仲禮同刊

校碑題沁州儒學正古韓馮雯撰前和順縣達魯花赤中
男阿都氏書丹篆額碑言梁餘縣之東南四十里

和順縣志春秋

爲梁餘子養邑

合山南有祠曰懿濟夫人夫人之弟曰顯濟侯爵
秩封自宋朝金毀於兵劫火之餘鄉耆粗置神位後有經

略使張公治而侈之後又毀墜幾爲荒墟至治二年本廟
道士白道榮始修之歷十餘載至至元而工竣爰以事過
梁餘應道榮請爲記和順縣志合山下有二泉一名娘子
泉清流湍激遠近十數村汲飲一名郎君泉不時出出時
聲吼泉湧有合山奇泉之詠敕建懿濟聖母顯濟二祠與
碑合碑云金毀於兵者指金末之亂一統志梁榆水源出
和順縣西北石猴嶺本名大賺山東南流至縣西南入清
潭水太平寰宇記遼州和順縣梁榆水水經注梁榆水出
梁榆城西大賺山盧湛征艱賦云訪梁榆之墟郭弔闕與
之舊都按此卽和順稱梁餘之所由仿非春秋梁餘也碑
見通志金石記

重修律呂神祠記

碑連額高三尺五寸四分廣一尺六寸八分十五行行
三十一字正書額題七字篆書今在渾源州北七十里

重修律呂神祠記

渾源州西北五里許有小祠其上律呂神祠三間四余神之
源委廟之權輿考無書記不敢附會長老相傳期于元魏修
于李唐神谿之水出其陽谿之泉以十數而趵突為取或者
濬而堰之水既合湍為碾磨側置紙房池濕麻口西引灌溉
其利無窮流益遠利益大又雨暘愆期有禱必答人被麻廩
歲口口守土者俎豆之為常然而年代綿遠旁風上雨不無
損壞游童牧豎不無褻瀆居民郭世安感焉以為神之福人
也如彼而廟之頽圯也如此唱言重修和者如一各捐金易
材僦工口庸缺者為完狹者為廣朽敗者為易置不貪大不
拘小不吝不陋仍舊貫為新貌足展祠事既又為攔衛以防

游憩之瀆心誠役勤經始于至元五年三月十五日越明年五月十五日畢工將落成偕其叔林兒顯通等稽首來告且曰歆得先生記其梗槩於石以詒奉祀者辭不獲已謂曰功施於民則祀之典故也致祭山川每形

詔旨

時制也神之澤既惠及人物宜郭氏叔姪首唱

重修之義以嚴祭祀於是因摭唱和者名姓于其陰云

至元五年三月廿五日守東昌儒學教授麻治撰

按渾源州志律呂神祠在城北五里神谿孤泉上北魏時建元至元六年重修東昌教授麻治記卽此碑碑云州西北五里許有小邱其上律呂神祠長老相傳創於元魏修於李唐神谿之水出其陽谿之泉以十數而趵突爲最水既合湍爲碾磨側置紙房池濕麻關西引灌溉其利無窮

流益遠利益大此神谿爲州境水利之證一統志神谿水在渾源西北鳳皇山下水中有孤石方一畝高丈餘上有律呂神祠方輿紀要大同府渾源州州西北十里源出州西南歎吐峪分流至州東北匯爲大澤西流至城北五里之神溪溪中有孤石方一畝高一丈水經其下曲折流西北入桑乾河卽此碑所言之神溪碑以至元六年居民郭世安重修而立末題至元五年三月二十五日守東昌教授麻治撰元史地理志至元十三年始置東昌路前至元六年不得有東昌路此碑爲後至元立無疑碑見通志金石記

嘉山祈雨記

碑高一尺二寸三分廣一尺六寸九分三十五行行二十六字正書今在平定州

祈雨感應記

至元己卯夏五月旱初六日甲子奉□大夫平定州知州張
□□□已俸謹脩祭儀恭詣□□□祠下□□致禱辭曰雖
驥程繁重值處獨真禱澤之誠理當敬謁□神居□□□屬
□□上聖之仙居故威靈之有在乃垂祐於下民□茲□□
□虐□塵分於郊野槁□麥於田原寔由翼之不職而致此
宜罰於我無苦斯民伏願輯六合之瑞雲降九天之甘澍懇
言不已望望而歸神不我□□一日自朝抵暮□而大作次
日又作以遂吾之所祈亦蘇郡民□□使處處□□其□□
□萬金之賜復詣祠下以荅神休伏覩神之靈方由人以誠
□□不致謝焉遂書於壁以為誌里人□□□□其以白
於□□田向之值旱百穀害成四民失望□□□□未嘗有
應□□□□□然而□□□為急乃命□神也修器皿□

齋戒具祭品□禱祠下□雨遂作之皆曰□使無公之誠孰
能弭此旱耶若不刻於石則至□感神之理泯矣□以不敏
敬應之曰人神感召之幾誠不能以贊一辭然神棲嘉山之
陽靈著四方之外唯能興雲致雨由□爵而□□其□封者
凡四□所以然者實由翼之賢□有禱必應表請於

朝廷以崇加□□攷之碑刻靈迹未泯今□□公致感之誠
殆無間於前賢矣其治民也政平詞理事簡民安其事神也
齋明感服以承祀事故神感是誠惠然而來洋洋如在其雨
遂應民心斯慰西成有望人徒見神貺之靈驗□□□知有
至誠感格之妙也唯公之心灼知是理以謂神之靈乃由人
之誠也故於治民事神之際一於誠而已矣嗚呼神之靈公
之誠也□□民也如此民焉能知之哉誠不可以無記故特

書其□沁水縣□□郡民王躡敬書

書吏□□□□□□□□

司吏曹彬 □從周 賈□先 潘郁 □□□ 田□
吏目魏世傑

忠翊校尉平定州判官□居敬

忠顯校尉同知平定州事暗都□

奉訓大夫平定州知州兼管本州諸軍與魯勸農事張□

□

忠翊校尉平定州達魯花赤兼管本州諸軍與魯勸農事

阿兒思蘭

本里□緣人張進 郭彬 王瑒 董文□ 耿周 郭

汝良 韓賢 張香 路□ 李德□ □□ 董仲溫

李三 王穩 張惠 李元 齊寬 郭聚成 王昌

知廟張□玉

至元五年六月望日立石人前杜長□□□

上方吉杜長李寬 李惠贊

石匠陽泉趙□□□□

校碑言至元己卯夏五月六日甲子平定州知州張闕己

俸備祭儀恭詣致禱有塵分郊野稿麥田原文此是年夏

阜之證校己卯後至元五年本紀至元五年正月乙亥奠

甯路交城等縣饑可與此相參證碑有云神棲嘉山之陽

是禱於嘉山之祠

平定州志嘉山在城西下有龍井井上有靈源公祠

嘉山見唐書

郭子儀李光弼傳與史思明戰于嘉山記末題郡民王踦

敬書所題官有忠翊校尉平定州判官闕

居敬忠顯校尉

同知平定州事暗都關奉訓大夫平定州知州張關忠翊
校尉平定州達魯花赤阿兒思蘭按此碑知州張名關州
志亦失載以碑實由翼之賢云云考之疑翼卽張公之名
州志有校尉達魯花赤阿兒思蘭海牙搗侯斯至正二年
崔府君廟記題銜亦有忠翊校尉前平定州達魯花赤阿
思蘭階與此同當卽其人碑立後至元五年六月

靈澤王祠記

碑高四尺一寸廣二尺一寸二十三
行行四十七字正書今在潞城縣

重修靈澤王祠記

有設宇於此像神于堂列土偶之武弁者于門口曰是神口
口口之能禍而家尊信之能福而身及而子孫且為種禍之
所鄉鄰之多財者必分子而益祭之多力者必競趨而効役

之多者必出巧而莊嚴之無他風以能利吾一身之私且
微福乎再世者也上黨東北六十里而近故有唐封衛國李
公所遺之祠口然驛塗之左唐賢宋人勒銘題詠者口口右
中外堂廡舊制而餘區兵餘存者十才三四自余往來其下
見之三十年立者日以傾腐者日以漫村之民初未經意至
元廿三年曲沃人杜君佐自澤州尹來治上黨脩政條教起
滯補弊其歲民稱善逮三歲當去慨然語僚吏曰李僕射佐
太宗定天下今其祠去吾邑北一舍不知作何代而淪廢將
盡更十許寒暑滅無遺矣吾聞元賢鉅公功烈暴白者載之
祀典郡國在所有之以勸善報德古也欲約鄉社協力完治
之以為一方之望僚吏欣然佐力於是與龍祥觀道士申仁
顯同心服役忘奔走霜露之苦滯人雅敬事鬼神其好善鉅

室之族舉願輸財佐佑翕然勸成之執畚鍤者恒十數百人
伐木於山攻石於旁近鑿土於其前橋下為堂十有三為周
廡五十楹羣飛跋翼盡復故制視前功加盛麗二十六年秋
八月余罷河北河南道憲司將赴 都下因過家鄉郡士夫
競言杜多技尚賢舉志於官事為杜介請文復祠之事於石
未果而杜卒後五年主長子縣簿趙君勳謁曰杜上黨修術
公祠其力不一令之沒幸終惠之竊謂幽詩言饋彼南畝田
畷至喜每歎幽人能婦子相率同家盡力以聽吏教為吏者
亦善推君盛德之意相勞苦民樂生善是也夫民之喜事非
可以法令驅之苟安吾室家使服吾順事誠心悅而從之固
有以然是王政也行甚平知甚易以時耕桑以時開塗川通
關梁均有無同好惡庠序以教之正身以先之平平權權愉交

謁如家人如斯而已矣夫得不治苟彊力以拂民民未必從
出智以求奇名未必彰世利私計往往過營便利民病矣噫
嘻古之所謂善人為邦百年可以勝殘去殺其効焉知不出
於此哉衛公非能致禍以鼓眾致福以動人耳目者也杜君
非營私徼福有為而為之者也申君非僥倖求名者也各處
異邑兩賢同心修治廢祠啓一方起敬起慕之心殆為吏之
善事耳可為傳乎顧非世吏比取其實忤右之集賢侍講學
士奉政大夫郡人宋渤撰

峇口至元五年歲次己卯仲冬中旬九日立石

本村李友直書

部除典史李弘道

晉寧路路城縣尉程慧

進義副尉晉寧路潞城縣主簿散木台

承事郎晉寧路潞城縣尹兼管本縣諸軍與魯勸農事陳義口

從仕郎晉寧路潞城縣達魯花赤兼管本縣諸軍與魯勸農事忽里台

龍祥觀知廟道士李遵道

武安縣口口村石匠劉伯通題額并刊

按潞城縣志靈顯王廟在神頭村祀唐衛國公李靖有後晉邑人楊義方碑記宋紹聖初邑人張山修廟記元符元年副使李升勅記金太和二年進士王陞臣重修記碑言上黨東北六十里而近有唐封衛國李公所遺之祠文獻通攷靈顯王廟在鄭州城東僕射陂是陂本後魏賜僕射

李冲唐末建廟因陂爲名俗傳李靖神後唐天成二年冊

贈靖爲太保晉加號靈顯王卽楊義方記所云增封王爵

事廟在僕射陂故義方記有成舉濠浦云云此可證潞城之廟在晉封靈顯王後宋宣和二年加

封靈澤王制文載潞安府志又見王陞臣碑記碑言至元

廿三年曲沃人杜君佐自澤州尹來治上黨逮三載二十

六年秋八月余罷河北河南道憲司將赴都下因過家此

宋渤於至元二十六年罷河北河南廉訪之證碑言鄉郡

上夫覲言杜多技尙賢畢志官事爲杜介請文復祠之事

於石未果而杜卒碑有後五年主長子簿趙君爲末

題集賢侍講學士奉政大夫郡人宋渤撰至元李莊重修

宣聖廟記渤結銜爲集賢學士嘉議大夫渤子員子見元

史傳長子人故自題郡人碑末刻至元五年歲次己卯仲

冬九日立石所題官有典史李宏道晉甯路潞城縣尉翟
慧進義副尉潞城縣主簿散木台承事郎潞城縣尹陳義
從仕郎潞城縣達魯花赤忽里台校己卯後至元五年
此諸人皆以是年任潞之證

重修崔府君廟記

碑高三尺四寸廣二尺一寸二十二
行行三十六字正書今在和順縣

重修府君廟記

甘泉逸士王仲安撰

門人李口書

本縣前司吏趙鵬口篆

傳曰鬼神之為德其感以乎視之而弗見聽之而弗聞體物
而不可遺使天下之人齋明盛服以承祭祀敢不敬乎詩曰

神之格思不可度思矧可教思此之謂也

夫府君神者世本邳州鼓城人也姓崔氏名珏字子玉出自寒門切而聰敏長而從學紙良德義鄉里推重唐貞觀間進士取應九仕為令尹者三始任長子次塗陽次衛縣其守職也廉介無私治端有異省刑罰民無怨讟以虐口均賦役吏無貨緣以巧法福善禍淫弭賊息盜至於除虎害告水災絕飛蝗遠強暴凡如是者皆出於公之至誠非高明識達者不能也公生而為賢沒而為神者此也吁今之從政者能如是不又况唐宋以還累加勅號以尊之復嚴祠宇以崇之不亦可乎考於祭法宜在祀典和順縣溫源里古有廟像於溫泉之陽諺曰水旱愆期禱於斯寒暑乖候禱於斯崇殃厲疾禱於斯咸若有荅焉歷年多椽棟朽墜簷瓦崩摧風雨相仍幾

毀神位然有歲時香火於能盡如在之誠至元三年丁丑里人趙從口李口者惻然有起廢之心於是共備酒餚會集鄉閭耆德恢復舊制協力重修未獲完功歲值大疫嗚呼趙李二妙亦以疾故疫氣方熾加以年饑目覩善緣中道而廢瓊瓊瑤瑤材值之用狼籍滿前疫氣既歇俸吏趙口丁憂之際與李口姪諱慶者握手而相謂曰神之靈不可巫父之志不可違廟緣之願可復繼乎慶曰諾是以再議於衆以續前功里中長幼少不從服願輸指幣者有之願輸粟布者有之願輸功役者有之至於鰥童缺齒踰躍執役喜無少怠幾及半載功乃落成是歲千災殄滅百穀豐登神意感而宜靈人心悅而致和嘻可不謂有其誠則有其神者矣敬為祝贊

當今大元

元首聖同堯舜禹湯之為君左右股肱德邁臯陶伊傅之為
臣者矣及爾多方士庶永保康寧

至元五年歲次己卯十二月己酉朔九日癸巳糾首修造
主趙翼李慶立石

榆關翟仲明刊姪男翟士□□

按碑題甘泉逸士王仲安撰門人李闕書本縣前司吏趙

鵬闕篆按碑言府君神者世本祁州鼓城人云云文獻通

考崔府君廟相傳唐滏陽令沒為神主幽冥事廟在磁州

滏化初民有於此置廟後詔修廟宇賜名護國廟及送衣

服供具景德元年重修令開封府遣官致祭後封護國顯

應公是崔府君之神至宋始列禮祀第此碑言任長子滏

陽衛縣云云較通考為詳元史地理志晉州倚鼓城縣金

史地理志祁州領鼓城縣此云祁州鼓城者用金制也碑
又云和順縣溫源里古有廟像於溫泉之陽和順縣志里
甲有溫源里又縣北十三里有溫源村山川下有溫泉所
云至元丁丑歲值大疫可爲考晉故者之助

平定祈雨記

碑高一尺一寸廣一尺五寸二十
行行十四字正書今在平定州

祈雨感應碑

去年春及夏無雨穀不下種麥苗亦口槁矣市糴欲閉而四
民營營官府奔走致禱方嚴而白君仲和者不忍坐視迺獨
謀於心曰惟州之西有嘉山焉其神曰

靈源公驗諸見聞有禱輒應遂以香幣而往嘉山去城近十
五里徒跣拜禮每步者再既至廟下免冠暴露謂皆某等細

民無知有干和氣而明日雨既霑既足百穀用成乃為樂歲
焉惟嘉山為一州之鎮能興雲致雨在所當禱而白君仲和
者為一介之人虔誠內專感格昭然矧其得為而為者乎其
感通之妙其又不止乎如是而已也

至元六禩七月二十有六日儒士楊翰敬書

立石人白仲顯劉思恭

白羊驛石匠李思忠鑄

按碑云去年春及夏無雨後題至元六禩然則所云去年
者至元五年也今至元碑有平定州知州張

至元五年

祈雨感

應碑云神棲嘉山之陽此碑云白君仲和不忍坐視曰惟
州之西有嘉山神曰靈源有禱輒應遂以香幣而往明日
雨霑足則與是年知州張公之禱同一地碑以表仲和而

立末題至元六禩七月二十六日儒士楊翰敬書有白羊
驛石匠按平定州志鄉五西曰昇中都二曰義羊曰賽興
有村曰白羊樹州北十五里白羊驛當卽其地碑立至元
六年

廣教禪院碑

碑高五尺四寸七分廣二尺六寸七分三
十二行行七十九字正書今在聞喜縣

大宋解州聞喜縣重修廣教禪院之碑

宣德郎太常博士直史館騎都尉賜緋魚袋張孝隆撰

隴西李翊書

江東陳岳篆

重書丹桐官安定國

粵若鴻蒙罔極叢二儀者太虛壹國永固會群仙者靈寶雖

辯雕万物奚窺廣表之端智略三才孰索希微之緒斯亦未
足為瀕瀚無際陰陽不測之詠誕也爰有於延康之始植冥
於祇劫之先摩尼寶□□風不能播其影如意珍藏三災詎
可靈其精包于界於葶棺之中空空如也吞四海於毛氈之
內眇眇何哉非夫妙覺資王大雄至髴疇能鑄秘密之印闕
解脫之門宣威力無隅之方運神通有截之宸交□灌頂共
□□□□□□□□

佛以□光演法惟心諒萬劫而同法豈所謂是色皆妄諸相
亦幻同乎水月法之至也象生於意得意而象亡境見於情
制情而境滅此識之圖也視澈琉璃琉璃不能礙其視聲觸
墻字墻字不能壅其聲此性之通也與夫□之不見其首隨
之不見其後仰之弥高鑽之弥堅設教雖殊厥道馴致若周

流六虛包括庶彙充劫覆載含煦幽顯比

佛懿烈則

太虛能與同乎夫龜龍鱣鮪穴隱官居珠貝珷礫朝咏夕納

較

佛洪範則巨浸惡足言其廣虛騰豹躍雲翺霧翔

塵益葶增榮直棘曲辟

佛真宗則介

釋

曷足論其高曠北極之都南盡丹徼東距暘

谷西被月窟幽罔弗燭夔罔弗臨對

佛寶光則太陽並列同其貞明大哉我

佛之化函韞乾

坤鉢韜渤澥鍼鋒之末可以併吞六合秋毫之端可以兼茹

萬有胡

平為

屑屑也蛛絲之智蟻鼻之能蠅鬚之才蚊睫之量

庸敢輕議去來現在之理鈎杳冥恍惚之旨耶多見其不知

道也非大壯蘭若無以集諸

佛子耀彼法器非莊嚴世

界無以創立丕基大作

佛事非像設端嚴則瞻禮者無

以興恭肅之容非寶殿巨麗則歸依者無以發迴向之願非
慈悲之室則叅尋者未由梃南北之輪非善法之堂則游道
場者無以萌精進之心非香積之厨枵怒者未由飴甘露之
食非鳳翼之廊經行者未由散塵牢之慮非大導師孰能饒
益衆生出鷄昧之網非真檀越孰能教化羣迷生布施之相
十事圓滿五利周通必有神僧闡茲像法玄元西邁紫氣翔
函谷之闕六祖南遊菩提蔭真諦之埤矧廣教院者唐之興
國寺也面視中條接曇延造疏之域背披姑射紐王倪傲帝
之區阿衡訓太甲於桐宮仍存故事龍驥駕益車於虞坂尚
亘遺轍中構梵宮周羅仙境俗多淳朴人盡賢良循環十舍
將佛國以同風比屋万家如毗耶之重法當盛夏則揮
汗為雨屆清秋則連袂成帷簇譚而潮吼海門離立而筠森

渭曲其道心也既如彼其繁會也又如此稽是院之興也肇於太常草創之初集於昭帝蒙塵之際寶階三道隨却燼以俱焚鴈塔九層將靈光而共圯綿歷七紀迨于皇朝縱

有人住持奈無心肯構狐狸嘯侶伺隲而騰躑金田燕雀命儔乘間而翔集螺髻鬼神夜哭天人暗悲載經載營爰究爰度苟非碩德孰能矢謨有若禪大德院主上人守秘三空顯智五忍居懷名稱普聞辯才銳口意行真乘不起懸崖之想服膺道諦克堅匪石之心於是乎振錫汝海浮杯度河戾止涑川躬覽遺堵乃慨然嘆曰此淨土也誠仁義之鄉孝悌之里忍使耄孺曠焚修之所英髦闕歸仰之方繇是勵志仁慈發洪誓願磨頂至踵力期營曹敷宣五識施五鉢者露湧雲蒸妙講三乘捨三品者星流電照脅之以生老病死誘之以

福壽康寧如鱗介之宗龜龍鷹鷂之朝鸞鳳即予所謂大導師者有以見於上人然王輅雖貴不可孤輪而馳巨鵬雖健不可隻翼而飛馬蝻善笛不可獨手而吹离婁善視不可單目而窺爰假同心贊成盛事時有妙喜長者子清河張偁義張知遇温惠亮直恭實貞懿德行英異為眾所伏即僕所謂真檀越者有以見之於二賢其餘或孝於父母友于兄弟加以欲善無厭好施不倦問貫花之妙義喜舞清陽娛頌寶之真銓意宣長喙以此論之得非佛國之多士歟莫不以

一化百以百化千一一疊疊無涯日居月諸蟬聯周歲杞梓山橫鹿續荐苜蓿■峙於是乎供楨榦者荷畚鍤者具綆缶者皆望風而子來運斤斧者督紉纒者妙繪塑者悉悅隨而磨至所以鐵圖百雉銅植千楹疊拱重櫺紛附列繡鳳蹲

紺殿帝儼眞儀俾無量聖衆滿迴向之願璇題瑤楯續綠懸
珠高敞法堂竭立寶座致無邊眷屬聳精進之心雕宗鏤藻
離金間碧感雲水禪傳息流浪之從繡栢雲楣左平右城震
翻庖廚饌禪悅之味雕瑱居楹哉瓊裝棟哀以藻繡飾以珠
練所以資禪誦而備游息也虎呀峻闕所以禦強暴而司昏
曉也三界獨尊八部翼衛龍華之勝會鹿苑之神遊觀夫四
禁輻輳入表嶽岑離立麟蹲霞駿雲蔚陰虬晶屈負擔朱爵
翩翻鴟厲吻於紫霄虹炳靈於丹漢遊覽者目眩而喪品聽
瑩者耳聩而弗諦雖罄千畝之竹書豐麗以何極縱髮万束
之毫紀盤複而不盡即僕所謂莊嚴世界豈其謬歟非導首
之深仁孰能大作 佛事矣丕勸告成尊名未立和璞韞
匱曷揚傳國之稱魏閣摩霄終建凌雲之號院主上人躬趨

魏闕特叫 天闕乞不朽之嘉題昭無量之休慶(玄)監高
朗院額之興於斯為盛雖殿宇秘奧赫懌止耀一時德業光
輝靈沒季照於百代宜求鴻筆用廣良因上人口洞曉三乘
該涉九部言讎河漢義薄雲天得空相之不空照覺元而過
聽虛譽見託斯文所以鼓蕩詞瀾措摩習刃求心珠於海藏
罔窺照乘之光搜法寶于雪山豈售連城之價誠慙鄙野復
喜周祥 茂實英聲齊南山而不爛千齡万祀與北極而
長懸欲重宣此義

為銘曰

鹿鴻太極兮溟濶孰分靈寶眇小兮包稽无垠健順致用兮
巨細(玄)論人謂至蹟兮胡可傳倫 調御秘藏兮囊括乾
坤開闔无朕兮解脫法門了悟真如兮億佛齊尊凝六龍舞

兮流浪悒悒三天何言兮四吏翼戴載万物生兮五功不

宰 佛入三昧兮眾聖俯補荷瞻如來兮未始有待

桐宮之南兮條山之陰中有廢寺兮人罔攸欽開士願慕兮

發大願心士庶歸仗兮日化千金 豫章榭榭兮崩屹輪

菌寶刹再造兮干霄軼雲 鸞鷟鳳侍兮殿宇璘璘若弥

勒內院兮稱檀氤氳 褒贊成功兮垂諸不朽頌假文

章兮氣凌星斗伊余見託兮多慙詞醜勉樹豐石兮天長地

久 院與額廢兮名存而實亡沙汰圯境兮因巢寇

之連會昌猗歟連士兮磨 佛日之重光大叫帝闈兮懿

昭烈而孔彰

大元國至元六年歲在庚辰十一月建戊子

福上座普光重立石

張忠信重刊

按碑前題大宋解州聞喜縣重修廣教禪院之碑碑末題
大元至元六年十一月戊子普光重立石此宋碑元重刻
通志古蹟考廣教寺在縣南二十里寺頭村土人名沙渠
寺相傳唐太宗敕建併鐵牛寺入焉今按此碑云廣教院
唐之興國寺又云稽是院之興肇於太宗草創之初隳於
昭帝蒙塵之際可爲唐太宗時創建此寺之證又云縣歷
七紀迨于皇朝謂宋守祕上人振錫汝海戾止涑川金石萃
編華嶽題名守京兆尹崔郇會昌二年六月十六日自汝
海將赴闕廷此汝州稱汝海之證詳繹碑文廣教寺唐末
廢宋初僧守祕與張偁義張知遇修復之碑又云院主上
人躬趨魏闕乞不朽之嘉題院額之興於斯爲盛則是宋
初復賜院額碑文博麗闕肆初唐四傑殆無以過宋初有

此尤稱罕覯又碑前題宣德郎太常博士直史館張孝隆
撰隴西李翊書江東陳曷篆重書丹桐宮安定國校孝隆
所結銜與宋初制合李翊原書碑者安定國則元至元重
建書碑者閩喜縣志補通志並著錄

重修崔府君廟碑

碑高三尺一寸七分廣一尺七寸七分二寸
二行行三十七字正書今在和順縣溫泉里

□□□□□□□□□□

壽陽縣南洞川逸士李大亨撰并篆

洪福寺沙門僧董從錦書

蓋聞惟聖神者乃天地之功用造化之迹也大而化之謂聖
聖而不可知之謂神過化存神之妙未易窺測也語云祭
如在祭神如神在又曰敬鬼神而遠之可謂智矣此之謂也

欽惟

夫府君神者本居祈郡地宅梁餘嘉譽并聞於朝省德義推重於鄉閭昔唐貞觀年間舉孝廉於天下鄉人薦之於朝恩臨敕賜取應三仕為縣尹也其識廉能有智正直無私省刑罰而薄稅歛其地均而穀祿平乃為政之本也書拘陽世夜理陰司閻外多事千緒萬端罔有遺漏萬無失一也次至唐朝并聞累加諡號護國顯應侯威應公西□王也肇自嘉祐年間初建靈祠於溫溪之左佛□□之陽名曰溫源之勝境也峰巒卷映危岳崢嶸資嵐光之景媚取山秀而水明倚仙神之崇麓鎮遼郡之鄉坻為諸神之宰府作千古之英靈致廟享而不絕重祈禱而必誠迄今奈歲月之悠久致聖像以頽傾丹青剥落金碧凋零有當里□□杜與祖施純甫備意

具修從新整理莫敢違遲同約感而相謂曰上有經營且就
下無飾塑之功於是慨然有意於神同發護誠廣生懇志敬
設酒餼之具會集當里耆老人等願輸施□者皆有之矣因
茲 矧功命匠以憑煇煖之財置位粧鑿用選高強之手塑
□前之妙貌摹物外之儀形繪質雖完全粧亦就還酬百色
之功能庶見一堂之新美牌額崢嶸著英靈之顯應棟樑危
峻藉施主之良名與殘起廢乃□者之所為草故更新寔君
子之急務仁純德厚伏承眾力之贊道泰聲揚終結良緣之
善□遇歲時塑望禦災捍患悉歸統理誠禱必應願金□神
明俯□慈憫預降禎祥保祐永年之吉慶增餘五穀而登豐
沔等三人同揖而來謁於予予欲辭之弗獲故為之俚語置
立石之銘焉以報神之德既矣敬祝

當今

聖主登庸萬載臣宰千秋百靈咸助四海康寧同霑福利者矣

皆大元至正元年歲次辛巳甲午月丁未朔甲戌日馬湧馬全杜與祖施純甫立

榆次縣□村丹青張從道筆

樂平縣明安村石匠芦仲 唐山縣侯村石匠馮和卿刊
按碑題壽陽縣南洞川逸士李大亨撰并篆洪福寺沙門
僧董從錦書按碑云府君三爲令尹卽王仲安府君廟碑
所言爲長子溢陽衛縣事碑言累加諡號護國顯應侯威
應公並見文獻通攷碑又言嘉祐年間創靈祠於溫溪之
左卽此廟元史世祖本紀至元十五年正月己亥封磁州

神崔府君爲齊聖廣佑王此碑舉前代封號而略當代殊
不可解洪福寺見和順縣志在溫源村碑立至正元年甲
午月卽五月甲戌日卽丁未朔碑見通志金石記
之二十日

聞喜縣湯王廟碑

碑高二尺九寸三分廣一尺六寸七分二寸
二行行三十三字正書今在聞喜縣東關

聞喜縣湯王廟記

徵事郎平陸縣尹頻陽月山張敏撰

本縣尹男白純書

典史男閆默篆額

昔在成湯洗夏虐政拯民屯運爲啓殷商之聖百世而下民

之戴之如始一日蓋聖人之心以生民爲心覆□□於天地

故往古來今載敬載祀亦與天地相爲終始而無窮也聞喜

桐宮之地湯□□在廟貌之設邑人祀之厥惟舊哉抑是邑也為驛衝要送往迎來加以民務叢□劇於他治□□□仕者弗能□美之先延祐庚申營葺故址始建棟宇仍起聖仁□□□□貝□□□食之至元後丁丑補行潦之淙噎廣拓其區□□尋丈之□墉紕□□宮□庚□□□樹□內□□應門于前然後中外嚴固崇邃爽噎始稱 聖

王之□□□□□欽瞻□□之管社凡六社工役材用之需不煩于他規為有序樂以効為□此嘉□賁賴監縣 邑

侯吳希賢白鳳儀前後率以就緒敵昔承乏是尹亦嘗預焉

□□□□□比落成敏適過而□社耆劉澤孟寬郭頁懇乞誌之愚辭不獲已用紀□□□□□□時成功以□□苟違之而欲速則弊眾以勞勞以興讎人不獲安神亦不□

以□□□□不□□威不苟于期不傷于財眾趨其事美見
底績則歲時薦享誠□□嚴□□□□禱而皆通 聖
神報福殆亦垂祉而無疆也為社民者尚永祀而勿忘於□
□記

至正元年五月吉日立

將仕佐郎山東蒙古軍万户府知事楊光祖

忠勇校尉達魯花赤氣失迷兒

晉寧路聞喜縣典史閻忠

晉寧路聞喜縣尉李宗孟

□義副尉晉寧路聞喜縣主簿張伯顏不花

從仕郎晉寧路聞喜縣尹兼管本縣諸軍奧魯勸農事知

渠堰事白鳳儀

承事郎晉寧路前聞喜縣尹兼管本縣諸軍奧魯勸農事
知渠堰事吳希賢

修武校尉晉寧路聞喜縣達魯花赤兼管本縣諸軍奧魯
勸農事知渠堰事伯顏不花

校碑題徵事郎平陸縣尹月山張敏撰本縣尹男白純書

典史男閻默篆額校平陸縣續志元陳咨張侯善政記云

至元癸未之二月望日

核歷代帝王年表至正有癸未至元無當作至正 榮河縣

史范益守晉甯路掾張仲奉平陸張侯治狀航海而南踵

余門曰侯之宰吾邑三稔於茲今秩終而行遽耆壽壯稚

謀遮留不得侯公直廉介欲鐫之堅珉庶可慰吾之望余

曰侯以進士起家初判解州拯荒飢之民調令聞喜雪沈

冤之鬼及爲平陸鋤斂桀黠平反誣獄訟簡賦均戶增盜

息嚴廨宇以棘吳瞻浚石渠而興灌溉辭果實之遺卻苞
苴之饋爲政若此斯亦美矣此張侯由聞喜尹平陸之證
又云張侯名敏耀州人後至元三年萬戶八撒兒德政碑
題徵事平陸縣尹頌陽張敏撰此至元三年敏已任平陸
之證碑云聞喜桐宮之地祀湯厥惟舊哉延祐庚申營葺
故址始建棟宇至元後丁丑廣拓其區凡六社工役材用
之需不煩於他規爲有序實賴監縣吳希賢白鳳儀前後
率以就緒敏昔承乏是尹落成敏過社耆劉澤等乞誌之
是此碑以至元丁丑重修湯廟而立碑末題銜有將仕佐
郎山東蒙古軍萬戶府知事楊光祖忠勇校尉達魯花赤
乞失迷兒聞喜縣典史閻忠尉李宗孟進義副尉閻喜縣
主簿張伯顏不花從仕郎聞喜縣尹兼管本縣奧魯勸農

事知渠堰事白鳳儀承事郎前聞喜縣尹吳希賢修武校尉聞喜縣達魯花赤伯顏不花皆見縣志鳳儀又爲絳縣尹見新修絳縣志碑見通志金石記

孟縣重修廟學記

碑高四尺三寸廣二尺六寸三十四行行七十一字正書今在孟縣

承事郎賜出身冀寧路同知孟州事拜出撰

奉直大夫河東山西道肅政廉訪副使別魯篆

將仕郎冀寧路孟州判官李薛徹察兒書

至元庚辰秋孟州重修廟學之序而置其所需之備夫以孟城之爲下也昔自太原而有古孟爲縣係所屬之下

皇元始新爲孟州而有學所以大成有殿而獨存焉自判官蒲侯新建兩廡工繪七十二賢像列於左右其門表分翼有

更衣之室後建講堂所有師儒之位置兩齋廊而有生徒右馬□□創作以紀其事垂示置基以續久遠其業營造民間皆悅不憚辟役同心以成工就歲有深矣比年以來傾頽日甚出觀其所以自謂而言曰夫以

聖天子以求賢為心興學校以得人為務未常不在於是自都之辟廡而至於路府郡邑以及閭巷莫不有學所以敦勸教育務要成材所出之謂建

宣聖之殿誠

國家崇尚古制亞聖哲廡實

聖朝而從其祀是所及今儀無更彰也歟其

三皇之廟而新其飾又創建宇表陵霄之門而向

大成殿廡同並立者也何哉歲時致祭而有欽明遵依之

詔旨朔望釋奠而有誠心瞻仰之典故是以

國朝頒降鬱鬯灌享者也且夫廟皆之環廡更衣翼室講堂而東西兩齋者豈能新而至終鮮者無之其物摧弊之故理之常也始與州官達魯花赤也先不花知州馬明安答兒判官李薛徹察兒吏目賈純等議葺以稱其事而完之無不與從各備俸祿雇工而修之內有不備者以置其備賢像不完者以補其完於是乎改其

宣聖儀像之容而新其冕服之裳亞聖與其哲一同如是置其祭器而陳其供床前後而栽檜栢者數株廟廡學舍更衣室之壞者補其疎陋墻壁去舊而增其飾皆草故而新之是以將始經於營造丙戌之秋終成於工役癸巳之夏亦賴乎達魯花赤也先不花判官李薛徹察兒吏目仇興祖等是

所贊成嘉之意義者也夫

聖人道大德宏有如時雨化之者也而著於天下之功德垂教後世之為利澤耳使父子君臣夫婦長幼朋友不失舜倫之常而學者物格致知誠意正心修齊治平之道而無差等循序之進故所謂先孔子而聖者非孔子無以明後孔子而聖者非孔子無以法故曰祖述堯舜憲章文武是以刪詩書定禮樂贊周易作春秋前聖之心非後聖無以知所以前聖之經必大後聖之所述也立百王之大法而為萬世之顯彰也歟嗟夫政教之為一者也徒教非政不足以為教徒政非教不足以為政依三代之上而成規者則天下有為之士無不咸適其用三代而下至扞採漢唐之遺法者其政教有分二焉何則而學校以文為尚取士蓋古之欲為治天下之道

未嘗不立科而取士取士之方而未嘗不資於士資於士者而士未嘗不脩其身士之脩其身者亦未嘗不本於學蓋學以為仕之本仕以見學之用雖然又在興舉所出之謂何以見之故道德興於上風俗化於下則其為教人材足以有餘所為之士推于世者將見濟濟穆穆得人之多則學校之驗不可一日而忘天下也是以古先聖王之治天下也未嘗不以禮樂而教天下亦未嘗不以口義而厚風俗禮樂行而教化明風俗澆而民自化此古今不易之論也何以言之禮樂教化者為治之本根法制禁令輔治之刑具夫政之為能使民而遠其罪德禮之教而使民日近其善孰不由其本而徒恃其末也歟昔者古之君子躬行以率之則民固有所觀感而興焉如風行草偃有不期然而然者矣是以先王之惠竭

力與世為之治者故動必求諸身亦未嘗不本諸已而資於士士之為治未嘗不本於學夫學者為治之本治者為學之驗為治而不本於學則經明修飾之政則為徒政耳本學而不施之於政則記問訓章之習而政不足與為則立庠序徒設虛文耳大抵政教之為一也何莫不由其學者也苟能由其學則三代之隆又豈可同日而比哉則治天下之道不難矣不然儒道迺政治之本學校為育材之地豈非明驗之謂歟呼講學道義之君子經明行修之志士誰不由斯道也崇雅興學校興則其政舉修廟學振儒風則大昌其道夫學校者乃天下禮義之源文章之藪可謂之善事者也噫不惟贊成之美意則後之為善者不可企及出由國子生賜出身同知佐於州事敢不盡其心乎是以忘其淺見之述采而輯

之乞待口之云耳

司吏李君傑 張士能 耿庸 武奉先 侯惟周 姬

從周

吏目仇興祖

將仕郎龔_寧路孟州判官李薛徹察兒

承事郎賜出身龔_寧路同知孟州事拜出

承務郎龔_寧路孟州達魯花赤兼管本州諸軍與魯勸農
事也先不花

大元至正元年秋七月吉日立石

石匠提控權德用 男思敬鍰

按碑題承事郎賜出身冀甯路同知孟州事拜出撰奉直
大夫河東山西道肅政廉訪副使別魯_闕 篆將仕郎冀甯

路孟州判官李薛徹察兒書按孟縣志拜出至正間同知

孟州時雜役繁重議撥壽陽之芹泉驛出奏於朝罷其役

民賴之祀名宦

平定州志元同知孟州拜出闕年代

碑以至元庚辰孟州重

修宣聖廟而立碑云古孟爲縣屬太原皇元始新爲孟州

金史地理志太原府縣十一孟興定中升爲州元虞集孟州重修文廟記孟故太原屬縣今改爲州

元史地

理志孟州下本孟縣金升爲州元因之與碑不合

元王構遼州知

州劉公碑甲子知絳州又知孟州按甲子至元元年此元初有孟州之證

其曰判官蒲侯新建

者元虞集重修文廟記至治三年夏四月孟州新修廟學

成判官蒲公以書來謂集曰州故有學比年頽弊日甚璣

之來也與知州事武君文煥同知那懷議葺完之卽其事

碑云始與州官達魯花赤也先不花知州馬明安答兒判

官李薛徹察兒吏目賈純等議葺完之碑末列銜有吏目

仇興祖

亦見碑中李薛徹察兒拜出籍銜與碑首同

承務郎冀甯路達魯花赤

兼管本州諸軍奧魯勸農事也先不花拜出由國子生賜出身亦見是碑孟縣志有至治三年蒲璣修學事而無至正修學事得此可補其闕碑立至正元年七月

脫脫和孫李公孝思碑

碑連額高六尺六寸廣二尺五寸五分二十九行行六十四字正書額題故奉訓大夫興和路等處一十七站都脫脫和孫李公孝思之碑二十五字篆書今在大同縣東大旺村

故奉訓大夫興和路等處壹拾柒站都脫脫和孫李公孝思之碑

嘉議大夫中書禮部尚書李庭寶撰

翰林侍講學士通奉大夫知制誥同修國史知經筵事張

起巖書

翰林侍講學士中奉大夫知制誥同修國史□□□謝

端笈

夫積善於前者必慶流於後惠建於此者則民著於彼流之而愈盛著之而彌□非善之至□□者□□□享□ 奉訓大夫李公世本女真人姓蒲察氏曾祖居平陽祖父豫寓居石州金歿遷弘襄處歸仁里遂為弘襄人復姓李氏祖母張氏大族之家克慈克仁四子仲成配宋氏二子長曰進娶靳氏張氏孫氏次曰□娶徐氏仲福配格氏一子曰儀娶張氏仲祿配楊氏一子曰琪娶侯氏長曰仲璋知□奉訓公也配潘氏楊氏周氏三子榮娶王氏信娶□氏英娶王氏伯顏答氏原其知州奉訓公也仲璋美□□善倫理孝友施仁慈愛惠眾公至元初為丁地稅官米價低倉廩溢期年後物斛湧

賈米多陳腐

上司責令每歲交代官照依時值培償眾轉驚惶舉家逃竄公與弟仲成及姪進等同議撫慰於眾以^卒其家公獨赴

都堂陳訴屢告方許判送依准元價還納眾奉禮踵門酬荅其功公卻而不授感言而歸壬申歲撥克中衛軍戶郡中同役者百餘戶每歲遞相更代時軍中繁劇迂調不常人憚其勞咸以為苦公又獨赴京師詣宣徽院陳訴以

^弘襄之士沃饒麥甲於他郡可供

尚鑄太傅帖相聞而嘉之曰實忠義篤厚人也本院詳其公之訴備陳於

上奏聞准其事宜改充口州納麵人戶悉除軍藉置司^弘州命公提舉其事公歸至^弘襄驗戶數田力多寡肥瘠歲均貢

賦輕重之差民咸服其平自至元二十四季迄今免其征戍各安其業樂□田里誠公之力也公因父病去職事親未幾父終遂塋庄西原以母張氏合葬焉公與弟仲成仲福仲祿等居喪廬於墓側哀毀過慟三年不懈時稱孝義一旦公寢疾召諸子姪曰汝來前吾知病篤命之曰汝等勤學汝書謹力農事孝悌生衣食足李氏之族後必有□□諸子姪泣□曰惟命遵守翌日公卒壘七十有□時大德癸卯正月二日也祔葬先人之塋三子榮信皆不仕詳雅克家以致豐饒英性秉剛直仁慈好義入仕從政以來所屬□民咸服惠化歷五任初授上都兵馬副都指揮次調平地倉監支納又除尖塚倉監支納再揚州真河批驗大使奉定改元遴選轉受承事郎山東塩運□□國場司□追贈父仲璋□受初牒承事

郎大同路□登縣尹嫡母楊氏宜人妻王氏伯顏荅氏皆宜人前任滿期考以公幹稱著脩由至順三年二月陞受承務郎興和路副脫脫禾孫自元統二重六月到任蒞政三載之間使治下一十七站賦役均平民感其惠錄其政績申達朝廷於至元四年正月二十四日

奏准就陞欽奉

宣命奉訓大夫興和路都脫脫禾孫至元五年三月內贈父仲璋

欽受宣命奉訓大夫大同路弘州知州飛騎衛追封大同縣男母宜人楊氏追封大同縣君妻宜人王氏伯顏荅氏贈封具欽受

宣命大同縣君公與兄進等擇吉日設祭先祖考妣之塋欲

樹其碑公孝思之誌念念在茲兄進慕孝察悌之誠欲使子孫瞻覽而感慕為子同脫脫禾孫公平昔之游是知其詳啓請以文嗟乎人之孝行皆天所以贊之也公有慎忠追遠之道父作於前子繼於後此非謔之至與慶治一門光榮先代此非惠之厚與非篤於孝敬者孰能如是耶易曰積善之家必有餘慶信斯言也援筆為文宜贊銘曰

猗歟哲人 行與俗異 以仁存心 以義制事 解紛

釋難 力行奮志 士服其惠 人感其賜 陰惠昭彰

神明報施 澤被九泉 慶留後嗣 惟天降衷 匪

獨私公 公之為謔 是信是從 蘭桂叢叢 既茂且

豐 子能繼述 宜其

追封 靈号感通 祀饗有宗 寫之琬琰 令名克終

昔大元至正辛巳歲季秋上旬上吉日象等立石

大都金王府石局提領王惠信金臺楊守道同刊

按碑題嘉議大夫中書禮部尚書李庭實撰翰林侍講學

士通奉大夫知制誥同修國史知經筵事張起巖書翰林

侍講學士中奉大夫知制誥同修國史闕謝端象陵川縣

志李廷實追封隴西郡侯神道碑子庭實以順德教授入

掾選國子助教翰林應奉修撰知制誥歷國子監丞拜監

察御史尋爲國子司業階朝請大夫以中憲大夫出貳濟

南未終更辭以禮部尚書嘉議大夫致仕末題至元三年

冬十二月立此碑撰至元五年與庭實碑自述官合元史

張起巖傳轉參議中書省事甯宗崩中書方列坐銓選起

巖薦一士可用丞相不悅起巖卽攝衣起丞相以爲忤已

遷翰林侍講學士知制誥兼修國史修三朝實錄加同知
樞筵事御史臺奏除浙西廉訪使不允已而擢陝西行臺
侍御史將行復爲侍講學士拜江南行臺侍御史入中臺
爲侍御史轉燕南廉訪使滹沱河水爲害請封河神侯爵
升江南行臺中丞拜翰林學士承旨知制誥兼修國史知
經筵事元史本紀至正元年十二月乙巳翰林學士承旨
張起巖知樞筵事是日封眞定路滹沱河神爲昭佑靈源
侯此起巖以至正元年爲承旨之證碑題起巖侍講學士
則在未拜南臺侍御史前謝端字敬德遂甯人家江陵幼
穎異五六歲能吟詩十歲能作賦史杠宣慰湖南數加延
禮薦於姚樞樞歎獎不已用薦者署校官不報科舉法行
中試河南行省延祐五年擢進士授承事郎潭州路同知

湘陰州事歲滿入爲國子博士遷太常博士尋除翰林修撰升待制以選爲國子司業遂爲翰林直學士階大中大夫居翰林久至順元統以來國家制冊多出其手至元六年卒不言爲翰林侍講學士可据此碑補碑言奉訓大夫李公女真人姓蒲察氏曾祖居平陽祖父豫居石州金殞遷宏襄處歸仁里遂爲宏襄人復姓李氏輟耕錄金人姓氏蒲察漢姓曰李以碑證之恰合碑又云祖母張氏子仲成二子長仲福一子仲祿一子仲璋三子榮進次關仲福儀通志金石記碑爲李英遷宏州知州追贈其父仲璋而立故碑自此下卽專記仲璋事碑又云仲璋至元初爲丁地稅官米價低倉廩溢期年後物價踴貴上司責令每歲交代官照依時值賒償眾轉驚惶舉家逃竄公獨赴都堂陳訴屢告方許

判送依准元價還納壬申歲撥充中衛軍戶每歲遞相更
代人以爲苦公又獨赴宣徽院陳訴元史百官志宣徽院
秩正三品掌供玉食凡稻梁牲牢酒醴蔬果庶品之物隸
焉至元十五年置此仲璋赴訴在至元十五年後之證碑
言以宏襄之士沃饒麥甲於他郡可供尚饒太傅帖相聞
而嘉之本院備陳於上奏聞准其事宜改充開州納麪人

戶悉除軍籍置司宏州元史地理志大同路宏州唐爲清

塞軍隸蔚州遼置宏州金仍舊

舊領襄陰順聖二縣元至元割順聖隸宣德惟領襄

陰及司此碑曰宏襄者卽指宏州襄陰言又百官志宣徽

院宏州種田提舉司掌輸納麥麪之事以供內府据碑則

因李仲璋之請而置碑又言自至元二十四年迄今免其

征戍各安其業公之力也卒年七十有闕時大德癸卯正

月二日三子榮信不仕英性秉剛直仁慈好義入仕從政
以來歷五任初授上都兵馬副指揮

元史百官志上都兵馬副指揮司二員

調平地倉監支納又除尖塚倉監支納

郡漕運使司有尖塚倉

各置監支納

揚州真河批驗大使

兩淮都轉運鹽使大使十年復置批驗所每所

大使一員批驗於真州采石等處

泰定改元轉受承事郎山東鹽運關國

場司

關

按百官志山東東路轉運鹽使有豐國場每場設

司令一員以史證碑英蓋山東鹽運司豐國場司令也碑

云追贈父仲璋大同

關

登縣尹以史證之大同路縣有白

登蓋大同路白登縣尹碑又云任滿期考以公幹稱至順

三年升授承務郎興和路副脫脫和孫自元統二年六月

到任泄政三載使治下一十七站賦役均平民感其惠錄

其政績申達朝廷於至元

後至元

四年正月二十四日奏准

就升奉訓大夫興和路都脫脫和孫至元五年三月贈父仲璋奉訓大夫大同路宏州知州飛騎尉

碑尉作衛

追封大同

縣男元地理志興和路上唐屬新州金置柔遠鎮後升爲縣又升撫州屬西京元中統三年以郡爲內輔升隆興路總管府建行宮領縣四州一地理類編今鑲黃等四旗牧廠西南二十里兵志展齊者驛傳之譯名其官有驛令有提領又置托克托和斯於關會之地以司辨詰皆總之於通政院元文類政典驛傳之在漢地者兵部領之在北地者漚以通政院郡邑之都會道路之衝要則設脫脫和孫之官

欽定元史本

作托托和斯以檢使客防姦非民之役驛中者復其

地四頃不輸租與兵士同興和路蓋西北通衢治下一十七站借站尺久湮無從詳攷矣碑以英等設祭祖考妣之

瑩伸父仲璋孝思而作大同志訛爲脫脫丞相及康里脫
脫墓通志金石記已辨其誤碑立至正辛巳卽元年碑見
通志金石記

麟山孔廟記

碑高三尺二寸廣一尺七寸七分二
十一行行四十二字正書今在沁州

麟山孔子廟記

沁州銅鞮縣東北三十里有麟山山東北二里康公聚有宣
聖之臺臺高仞廣袤五尋祀堂口遺石存焉官廟久廢莫知
其所始聚長者李玉捐資倡衆建禮殿四楹素宣聖像以充
公鄒公配壁繪十哲立塾於前延師以訓里之子弟朔望釋
菜春秋仲丁釋奠率其人駿奔如禮或謂孔子歷聘七十二
君獨於晉望河而歌車轍馬迹蓋不及焉而臺於斯何故子

思不口乎仲尼如天地無不覆燾無不持載日月所照莫不尊親春秋之世蜀道不通於中國漢興文翁為之禮殿素燕居像繪七十子於壁君子嚮之又况汾沁之間聲教密邇乎自唐正位先聖加王爵繇天子之學以至郡邑鄉序間塾皆得尸而祝之臺以宣聖名蓋唐以來尊親孔子者尸祝於斯也

國朝文治誕敷日戶月窟咸被聲教學校之設踰越荒裔先賢書院徧在名山好禮之家承風口義捐貲建塾者登聞春官優獎如章則李氏因茲臺而建廟立塾義亦宜之李君素像未飾而没其子温寶克成之温之季○正從余京師遣其冢子○道來請記嘉其義為記之孔子之生紱麟徵夢及其終也獲麟作書茲山之於宣聖其亦有所符契歟詩以麟趾

山名通志卷之三十一
三十一
為王化之成誠以振振信厚在人而不在彼也。日麟出郊
數以瑞我

國家將不于山而于廟矣

至順元年十二月丁未朔

國子助教陳繹曾記并書

國子助教潘迪篆

鄉老李林 弟林卿

都糾首李(卯)道 李明遠 閔亨 李彦清

司吏白璋 李思敬 郭敏 杜唐臣

尉司吏劉漢臣

銅鞮縣醫學教諭李(弘)毅

典史趙毅

晉寧路銅鞮縣尉劉良弼

將仕佐郎晉寧路銅鞮縣主簿王伯顏

從事郎晉寧路銅鞮縣尹兼管本縣諸軍與魯勸農事劉

思文

晉寧路銅鞮縣達魯花赤兼管本縣諸軍與魯勸農事

沁州陰陽學正李弘道

吏王洛 崔誠 韓公藝 王天惠 劉承祚 馬思敬

晉寧路沁州經歷王汝舟

承事郎晉寧路沁州判官王森

承務郎晉寧路沁州同知事趙只兒

奉議大夫晉寧路沁州知州兼管本州諸軍與魯勸農事

劉夢錫

奉議大夫晉寧路沁州達魯花赤兼管本州諸軍奧魯勸農事馬合基

維大元國至正二年歲次壬午正月壬寅朔初十日壬午
□□時□李溫等立石

古韓鵠山連家谷石匠張從政刊

按今沁州志麟山在州東北三十里下有宣聖祠又祠祀至聖祠在康公村與碑言沁州銅鞮縣東北三十里有麟山山東北有康公聚者合碑言康公聚有宣聖臺官廟久廢縣人李玉捐資建殿立塾像未飾而沒子溫成之李溫之季宏正從國子助教陳繹曾學故請繹曾爲記其云捐資建塾者優獎如章可以見元延祐後崇文教之盛又州志康公村至聖祠元至正二年州人李玉創建今碑末題

大元國歲次壬午李溫立石按壬午卽至正二年又碑題
至順元年十一月國子助教陳繹曾記國子助教潘迪篆
所列之官如沁州判官王森銅鞮縣尉劉良弼主簿王伯
顏知州劉夢錫縣尹劉思文達魯花赤馬合基皆見州志
至沁州陰陽學正李宏道卽李溫之冢子見記文銅鞮縣
醫學教諭李宏毅亦必其族碑文州志藝文有元沁州治
銅鞮縣故此碑州縣官備列明省銅鞮入州又元史陳旅傳陳繹
曾處州人諸經注疏多能成誦文辭汪洋浩博其氣煜如
官至國子助教與碑題銜合

昭覺寺記

碑高四尺五寸八分廣二尺一寸二分二
十五行行五十五字正書今在潞安府

大元重修潞州昭覺□□記

鳩摩羅什於秦傳譯逍遙之館竺法摩騰於漢神異白馬之
庭此義學之僧護法之能以至於宗密之習禪道宜以明
等頭之誦經鵝珠以唱道其遺身之志興福之盛或載之傳
燈見諸僧史雖古之寺鮮之僧微尚有其人數輩况

聖元以六合為家八方為域豈無如此一人乎昔我安閑覺
公大禪師者長子人也自幼水雲淘汰徧謁諸方默契於法
主通公道於臨濟的派宰十大名刹儒道大通教禪俱會
宗以國師之禮重焉住持燕都開泰禪寺第一宗師遇
乾坤之再造觀日月以重明

皇上以方外之賓尤敬衣錦燕都馳驛天黨以豪霸
田園產業師一至乃仍舊矣明有頃知焉時當辛丑
之歲也茲寺之初唐太宗之敕修因瞻公之開發七處金

田此其一也嗚呼時之否泰物之廢興□不有救其廢□興也理必有時茲寺之興獨非數乎曾安闢之力也延綿至於住持義學大德潞州管內□□正政理大師淨公和尚者乃陵川門南店李氏之名族也□亂之齡乃天資穎秀聰悟不群侍父坐側□授孝經至曾子避席忽整襟而□父聞其故諾曰參聞師命如斯今奉慈訓豈真□□父悅首肯乃瑚璋之器也召宗人語之皆賀曰此擊壤神童耳父知其志不可奪遂選禮□寺唱道沙門達公闍梨為師再□童幼之黨無涉□□之□□□經典愛古向賢聞師演瑜伽執卷伏膺一聞將盡再覽無遺眾皆驚異此道安再世六年且長友士大夫踵迹而來亦有遠方而□一日□□□□產業不無殿堂何有吁基址猶存龜趺仍在噫貞觀之創虞世南顏師古楮

遂良許敬宗等為碑銘以紀功業今觀傷殘徒增□□□蓬
發囊橐脩□殿宇僧俗官員司厲士夫惠施雲集而來不載
餘法堂丈室香積雲堂一皆新之其設像圖繪咸依其法而
為之碧瓦朱欄飛翬天彩涉其戶庭觀其室宇旖旎之飾鐘
鼓之聲蓋友其仁不日成之如萬戶鄭公知州梁公同知李
公寮力威僧錄勝□□總統等略□□知他矣乃不求敬而
敬之不求事而事之無為而化不令而行若非師之道業□
致之歟何其□也時至丙子□□

暹上作資戒大會師入內宣揚音吐宏暢義理精明賜紫數
暹不幸於至元廿六年六月二十六日圓寂火後□舍利數
百□粒乃精誠之所感也異哉假壽一二次殿克完不其益
乎嘆聖人尚不能□眾生界成佛何師之脩也已矣自後□

五十餘年方且完備後以仙師之殿前以解脫之門祖師之
堂土地之殿解脫門善神之像祖師堂韓□之容庖厨碾舍
田園蔬圃周圍僧居明□店舖凡二百餘間皆出於僉用不
仗檀那耳既落成比歲大眾等以二師之功苟無片石恐後
湮□遂採巨石以俟將來慕師之學仰師之德孰不欽我本

寺

尊□僧禧部綱
僧瑞講主僧柳

等囑予為文愚謂文章翰墨魯君子之能

為也予何有哉欲罷不能且以□之伏惟道莫大於孝德莫
大於□此聖人所以為教先王之所以為政也是以諸佛制
戒以孝為宗□士興慈以孝為本推奉親之孝以及人則人
播於天下充愛人之仁以及物則□被於鳶魚故能道洽人
天德□□頭航渡迷津躋□覺岸此生民之大本天下之達
道也蓋以佛□為心佛行為行其為孝也大其為仁也至矣

是我二師之功能。幾人乎。公以不銘誰之銘。我。不能以孤陋。辭叙其大概云。

時至正二年歲次壬午姑洗吉日

特授光祿大夫大司徒釋源宗主雲麓之門本院講經論沙門崇肇宣文大師韓溪文瑾記并書

本院講經論沙門普智明性雄辯弘教大師靈巖文珪篆額

護口功德主晉寧路潞州屯留縣典史郭禮

都口德主焦家庄牛諒尊宿文仁監寺僧正瀛立石

石工在城王温刊 石匠在城孫海鏞

校碑言茲寺之創唐太宗之敕修七處金田此其一也唐會要唐興寺貞觀三年十二月二十日詔有隋失道九服

沸騰朕親總元戎致茲明伐誓牧登陬曾無甯歲思所以

樹立福田濟其營魄可於建義以來交兵之處各建寺刹

仍命虞世南李百藥褚遂良顏師古岑文本許敬宗朱子

奢等爲碑記銘功業於汾州立宏濟寺宗正卿李百藥爲碑銘於呂

州立普濟寺著作郎許敬宗爲碑銘於晉州立慈雲寺起居郎褚遂良爲碑銘

於邙山立昭覺寺著作郎虞世南爲碑銘於汜水立等慈寺祕書監顏師古

爲碑於洛州立昭福寺中書侍郎岑文本爲碑銘並貞觀四年五月建

然則邙山之昭覺寺系太宗所建世南撰碑此碑以潞州

當之或別有所據按唐太宗於戰勝處立寺七處會要僅

有六處脫於邙州立昭仁寺朱子奢爲碑銘一處並無潞州疑僧

徒借太宗以自誇耳今僅存等慈昭仁二碑碑云大德路

州管內政理大師天資穎秀聰悟不羣禮闕寺達公闍梨

爲師踵迹而來發囊橐修殿宇一皆新之如萬戶鄭公知
州梁公同知李公不求敬而敬之不求事而事之至元丙
子上作資戒大會師入內宣揚音吐洪暢賜紫歡回元史
鄭鼎傳中統元年以功遷平陽太原兩路萬戶至元十四
年戰於樊口舟覆溺死此碑所言萬戶鄭公者當卽其人
末題至正二年姑洗吉日特授光祿大夫大司徒釋源宗
主雲麓之門本院講經論沙門崇肇大師韓溪文瑾記并
書宏教大師靈巖文珪篆額晉甯路潞州屯留縣典史郭
禮立石通志文瑾蓋緇流之依草附木者自夸大也文甚
支冗中有云基址猶存仍貞觀之創虞世南顏師古褚遂
良許敬宗等爲碑銘以紀功業今覩殘破云云蓋唐碑已
亡不能指爲誰撰書潞安府志昭覺寺在城西南隅碑見

通志金石記

崔府君廟祈雨記

碑高三尺八寸八分廣二尺四寸三分二
十四行行四十二字正書今在平定州

護國顯應王廟祈雨感應記

翰林直學士中順大夫知制誥同修國史經筵官揭傒斯
撰

嘉議大夫晉^寧路總管兼管本路諸軍奧魯勸農事劉允
忠書

中奉大夫江西等處行中書省參知政事聶輝篆

平定古上艾也絳州治東三里曰長樂坊有崔府君廟勅封
護國顯應王不知何代賜也俗傳廟則建自宋宣口間重修
則金泰和間也州里遠近之人疾癘瘡札水旱灾害凡禱于

廟者輒應猶□之於聲形之於影斷□然□著也至正初无
自春迄夏六月不雨境內土龜坼禾稼殆槁農民嗷嗷承務
郎同知平定州事保保字國卿公□僚屬告曰我輩有此土
之寄而坐視其早年穀不登上匱國家賦入之儲下罹民人
饑饉之苦可乎迺於是月□已齋沐合如千人免冠跣足走
廟炳香羅拜禱于像前明日雨大降不淫□□者以合槁
者以蘇噉□者而□懌七月禾或秀而未實或實而未堅猶
○然望一雨之至而弗獲已而復禱于廟如初禮雨亦如
初降秋乃□□擊□□公無逋租□有□積明年春父老
相謂曰吾民飽食而樂于此者伊誰之賜也遂命里人張淵
以狀□□文以紀州牧之德以彰神王之靈詩云剗弟君子
民之父母彼有司者其能為民之父母矣禮云禦大菑捍□

忠則祀之彼神明者其能救菑患矣雖然苟神之靈非誠之至不感也苟誠之至非神之靈不應也神之靈矣口之至矣斯可言感應也已按府君世邠州鼓城人父母禱北嶽而生府君唐貞觀舉孝廉仕至磁川釜陽令晝口陽夜理陰一日與楊叟奕罷見口口執符言曰上帝命以玉珪玉帶冠服召及五嶽衛兵百餘人拜畢奏簫韶口樂又取白馬至府君命二子取紙筆曰吾將去矣遂書百字以逝世傳為口石碑安祿山叛上夢府君見曰鴛口別方祿山必滅矣駕還闕立廟封顯聖護國嘉應侯武宗朝天下大水禱之即止口護國感應公宋真宗封護口西齊王口因求記故併著其事以告邦人抑使後之為州牧者知所敬知所法云

至正二年三月晦日記

司吏張士能柳思義賈洪景
尹德中高德李夜周

管勾人楊□□

□省□平定州吏目孫齊

從仕郎平定州判官党書

承務郎同知平定州事保保

奉議大夫平定州知州兼管本州諸軍與魯勸農事安處

仁

忠翊校尉平定州達魯花赤兼管本州諸軍與魯勸農事

拜不花

忠翊校尉前□平定州達魯花赤兼管本州諸軍與魯勸

農事阿思蘭海

皆大元至正二年五月辛未朔庚寅日

平定州耆老孫瑛等立石

石匠提控李顯男李文貴劉興甫刊

校碑題翰林直學士中順大夫知制誥同修國史經筵官

揭傒斯撰

揭文安集無此文

嘉議大夫晉甯路總管兼管本路諸

軍奧魯勸農事劉允忠書中奉大夫江西等處行中書省

參知政事聶輝篆以元史揭傒斯傳攷之傒斯由授經郎

授藝文監丞元統初遷翰林待制升集賢學士階中順大

夫擢奎章閣供奉學士

元順帝紀後至元六年三月丁丑翰林院直學士揭傒斯爲奎章閣

供奉學士改翰林直學士及開經筵再升侍講學士同知經筵

事以對品進階中奉大夫碑題翰林直學士中順大夫蓋

在未進中奉前又據順帝紀至正三年四月修宋遼金三

史以翰林侍講學士揭傒斯爲總裁官此碑立至正二年

知在未轉翰林侍講學士前聶輝按平定州志聶珪之孫

大器之子

珪大器均見李治叢元帥碑

仁宗朝擢廣東肅政廉訪僉事

入爲將作院同知出爲大同路總管歷兵工二部尚書尋

拜江西行省參知政事銜與碑合

輝復轉河南肅政廉訪使以陝西行省參知政

事致仕並見州志

碑有里人張淵云云州志職官題名平定州同

知張選子淵官稅務提領見重修嘉山靈源公祠碑至碑

未所題諸官有平定州吏目孫齊從仕郎平定州判官黨

書承務郎同知平定州事保保奉議大夫平定州知州兼

管本州諸軍奧魯勸農事安處仁忠翊校尉平定州達魯

花赤兼管本州諸軍奧魯勸農事拜不花忠翊校尉前平

定州達魯花赤兼管本州諸軍奧魯勸農事阿思蘭海按

州志保保至正元年同知平定州事孟縣志拜不花字原

臣蒙古人授忠勇校尉

碑題忠勇校尉

監平定州事尋拜內府斷

事明兵下太原不花死之鼎革後子孫家於孟改姓孫州

達魯花赤元人例呼爲監州孟志所言監平定州事卽平

定州達魯花赤惟志不言何年爲達魯花赤以此碑攷之

知爲至正二年又碑前題晉甯路總管劉允忠通志職官

譜缺載宜據碑補碑立至正二年五月庚寅